

OMUKUETU

No.3

MAART

1956.

OSHIKE SHA NINGUA KOMU-SHIKANO.

Ondaka jomushiakano ojo ohole - ohole ja Kalunga. Ngenge ua hala okuuda naua eshi sha ningua komushiakano, ou nokupuilikina ondaka ei tai ti: Kalunga ohole. Eshi Jesus e shi longa, osha longua ku Kalunga He keengono da Mepo uaje. Kalunga okua li mu Kristus nokua hanganifa ounjuni naje muene (2 Kor. 5:19).

Jesus okua ti: "Ou a mona nge, okua mona Tate." Osho ohatu shi mono unene komushiakano. Mokutala Omue uetu a valua ko ohatu hange oshitukulifo sha tauka (onanga jokutukula ja pombauka pokati?) no hatu tale fijo omomutima ua Kalunga. Omomutima oo hamu di alushe ohole italala ojo tai tu hupifa.

Ndele ne, osha pumbua tuu shili, Jesus a file komushiakano? Inapa monika mbela ondjila ikua o jehupifo? Enjamukulo: Omushiakano inau dikua efiku olo. Momutima ua Kalunga omo ua li nokuli. Oo otau kala mo, fijo omona uaje ua huunina te lidilulula nde ta ti "Onda hala okufikama nokuja ku Tate."

Jesus okue tu likolifa ehupifo nokuhumbata amatimba aeshe ounjuni. "Ou okua li e he noulunde, je e tu ningilua oulunde" (2 Kor. 5:21). Jesus a uana okukala omoponele uange nokuhumbata amatimba ange, osheshi oje a kala omuñu uashili. Ndele oje a uana jo okukufa amatimba ange noku a dima po, osheshi oje a kala jo Kalunga kashili.

Etimba lange oli li peni? Natu diladile vali ondaka ojo: Kalunga ohole. Etimba letu oli li opo, fje eshi tua kandula po ohole jaje. Ofje otua pilamena Tate jetu notua ekelashi ohole jaje neumbo laje. "Aveshe ve li ovalunde ndele tava hepua efimaneko la Kalunga" (Rom. 3:23). Ofje ovashitua tua njonauka tua kanifa efano la Tate.

Oulunde ou noui uopatatu. Tete ouo ua ola no hau njika nai fijo omeulu. Oshitali ouo ohau tu tukula na Tate Kalunga. Oshitali ouo ohau tu njeka omuenio oo hau tu dile ku Kalunga. Osho ngaha oulunde ohau tu nangipalifa fijo tapa holoka kutja "ondjabi joulunde ojo efjo" (Rom. 6:23).

Nande oulunde uange ouo munene, ongene tuu efilongenda la Kalunga olo line ne li dule oulunde uange. Mohole jaje inene oje a kondjifa oulunde noui uao uopatatu komushiakano, ndele a findana. Omona ua Kalunga mujapuki nomukoshoki okua kulukila monata joulunde uounguni, ndele onata ojo ja findika koukoshoki uaje. Paije oje ote tu djaleke nomudjalo uoujuki uaje.

Jesus okua makela jo etukuko letu na Kalunga. Ofje ovañu otua ikilila nokuli okukala tua tukula na Kalunga. Ndele ne Jesus, ou a kala umue na He, ina shiiva shito etukuko lifike opo. Onge oje a ingida, mokule: "Kalunga kange, Kalunga kange oshike ua fija nge po?" Mokumakela ngaha etukuko olo lidjuu oje okue tu hanganifa vali na Kalunga.

Jesus okua teja po eeñgono doulunde. Ou ua li u noku tu etela efjo, ngashi Paulus



a ingida: "Oljelje ta hupifa nge kolutu olo lefjo?" (Rom. 7:24). Komushiakano Jesus a kondja shili neengono odo doui, ndele okue di finda. Paije ohe tu pe jo efindano laje. Osho ngaha nafje jo "hatu findi nokufindilila omolua ou e tu hole" (Rom. 8:37).

Ashishe eshi Jesus okue shi tu ningila komushiakano. Ashishe eshi a hala e shi tu pe: edimepo lomatimba, ehupifo nefindano - shaña tuu ofje tua hala oku shi tambula kuje.

Ondi shi shi peni, kutja aishe ei ojange? Ondombuedi oi li peni?

Oshili joshilonga sha Jesus shekulilo oja pamekua kenjumuko laje. Mokunjumuna Jesus moshovafi Kalunga okua pameka oshilonga shokomushiakano. Osho oshilonga sheengono daje muene no shohole jaje muene. Omolua shi okufja kua Jesus nokunjumuka kuaje kaku shi okutukulua. Oinima ojo ivali kumue otai tu hepaululile ondaka iua johole ja Kalunga mu Kristus, ondaka jehupifo letu.

George Sinker,
omubisofi uoku Engeland, a kala nale
ku India.

OKUA LI KOMESHO

Mark.10:32-45.

Ouenda oo uohuunina ua Jesus ku Jerusalem. Jerusalem osho oshilando sha Jehova, hashi ifanua oshilando oshijapuki. Oshilando shOmue tashi ka ninga onele jehepeko no jokudipaa Omukulili.

"Tala, ohatu jeni ku Jerusalem". Aishe ei ja popiua momango no movahunganeki, i ka uanifue Luk.18:31. Ndele mokuja ko oje muene e va pitila komesho. Efimbo loshififina tashi njanjaulua tashi tuua, otali

mu teelee ku Jerusalem, ndele Jesus muene okue va pitila komesho, Gen.3:15.

Omahunganeko omu Jes.53:3. okudinua nokuefiua kovañu, aveshe tava uvike oipala ve he mu tale, omulumeñu uomahepeko, otai mu teelee ku Jerusalem e ke mu uanifue. Ndele je okue va kuatele komesho. Ombila pamue navakavena Kalunga otai mu teelee ku Jerusalem mouenda, mokujako oku, ndele je okua li komesho. Jes.53:9.

Eembua nongudu jovakolokoshi i mu fitikile no i mu tjuule omake neemadi oko i li ku Jerusalem, Ndele Jesus okue va pitila komesho.

Omuleshi omukuetu, oshileshua eshi tashi jelulilo omitima detu okudiladila ehpeko lOmue uetu mu Jerusalem noshi tu etele ondjila jokuJerusalem koipalamuenjo jetu, eshi tu li ovahongua novalanduli va Kristus. Omulanduli omukuetu ua Kristus, apa ope nepulo linene tali tilifa nge oku li njamukula. Pamue to dulu oku li njamukula. Otali ti: Otu li tuu pamue na Jesus mondjila jokuJerusalem? Ngenge omo tu li pamue na Jesus, oljelje e li komesho mondjila ei jokuJerusalem. O Jesus tuu ile olje?

Epulo eli itali tu pula ou e li komesho nganga hatu i komambo kongerki, koskola, koshiongalele shovanjasha, koluimbo ile kongudumbibeli, aije. Ohatu pulua ou e li komesho mokuja kuJerusalem omahunganeko a ka uanifue. Ovahongua kua li ve udite naua eshi Jesus e va pitila komesho ta i ku Kaana a ka shitukife omeva omavinju. „Ashishe te mu lombuele, shi ningeni" Joh.2:5. Kua li va hala ve mu pitife komesho, ve mu ninge ohamba eshi eva kutifa nomingome nana neeshi mbali, Joh. 6:15. Mondjila jokuJerusalem otu udite: „Shuna monima jange". Umue a li komesho ja Jesus. Mat.16: 23; Mark.8:33. „Inda monima jange". Petrus okua li komesho ja Jesus a hala oje a jukife olueendo olu, oje a kale Jesus komesho e mu pungulule, e mu kelele ku Jerusalem. Onge epulo letu tali tu pula: Olje eli komesho? OJesus tuu? Pamue mokuenda kuetu hatu shindi Jesus mokudiladila eshi shopañu. Mat.16:23.

Kalunga na hambelee, omulongo na vavali nande va haluka nongudu aishe ei tai shikula ja tila, inava alukila mondjila, ova ka fika kuJerusalem. Kalunga na hambelee, ngenge hatu ka fika kuJerusalem, nande tu nehaluko netilo. Etilo omo li li mondjila jetu jokuja ku Jerusalem, ndelene Kalunga na hambelee, ha fje tu li komesho mondjila ei. Ha fje tu li komesho momahepeko no moudju keshe tau tu hange mondjila jetu jokulandula Omue ku Jerusalem. Otu nomutetekeli Omukulili uetu ou e tu pitila komesho mu aishe. „Shikule nge", Joh.21:19. Fje katu nomupristeli ou e he udite oungone uetu, oje a jelekua mu aishe Hebr.4:15.

Ndele Jesus okue va kuatele komesho. Omunelao ou ite liendifa je muene no ita landula ehala laje muene no ita piti Jesus komesho no ite mu shindifa omadiladilo opañu, ndelene ota efa Jesus a pite komesho nomadiladilo opakalunga.

Natanael Kapofi.

Maart 1956.

EPULO ENENE.

Omasiku hamale omutoti guOMUKUETU okua aadika kepulo enene. Olje ja mombapila jomuleshi gumue. Omo mua aadika amatumbulo ngaka:

„Ame omulumeŋu omunjengui, hai nje-
ngua okutongo!a oukriste noupaani, Ngenge
hai lesa mOmbimbeli jange, otai lombuele
nge ongaba joukriste noupaani, ndele nge-
nge hai tale oukuatja uomukriste no uomu-
paani, osha fafana. Ngenge hai tale meumbo
la Paulus ile meumbo la Hangula, osha
fafana. Eshi hashi longua moHangula. osho
hashi longua nomoJohannes. Omualikadi ua
Mateus nounona va Mateus uomualikadi ua
Hangula nounona vaje aveshe ove li molupe
limue alike. Etongoko ohai li mono ne peni?”

Epulo ndika oljo enene shili. Ando ke-
he omukriste ne li ipule je ne li ijamukulile
uo. Oshoka epulo ndika otali pula okukala
kuetu, kehe gumue.

Ondi shi shi, pecimbo lja Nakambale
epulo ndika inali pumbiua. Uukriste nuu-
pagani oua li ua jooloka. Aapagani jo jene
oja joolola aakriste mokati kauo noku ja
tonda noku ja hepeka. Ojo ja li ja dimbu-
lula, aakriste ojo aantu jomuujuni u ili.

Oshike ano shi li po ngashingeji, ejoo-
loko ndjoka sho itali monika ue? Aakriste
ojendji inaa dimbulula ue, uukriste uauo
shoka tau ti. Ojo ja ningi aakriste jedina
„Ojo je nemoniko ljuuala ljetilokalunga, ihe
oonkondo daljo je di idimbike.” (2 Tim. 3:5)
Je nedina ja fa je nomuenjo, noja sa.
(Ehol. 3:2) Ojo ihaa tila ue okulandula
omikalo daashiinda shauo aapagani, noja
suurje okudiginina doka daakriste je di
longua. Kombinga onkuauo isheue aapagani
oja taamba muukriste shoka sha fa she ja
oopalela. Otaa luku ojana omadina guukriste.
Otaa vululukua esiku limue, ngele ju uuvite
ehalo okuzimbuka miilonga. Oja zala omiza-
lo. nojamue ji ilongo nokuli okulesha. Ihe
omikalo dika adihe hado natango uukriste.

Uukriste ou li meni ljomuntu. Omu-
kriste oje omuntu i itedulula, a eca oma-
diladilo gopahalo lje muene nokua zimine
omadiladilo gopahalo lja Kalunga, ano ngoka
gopahapu de. Oje a hala shili okuitekka
uulunde auhe, nokuhempulula oondjo de
esiku kehe. Oje okua peua ombili jashili
jedimopo ljoondjo kOmuaa nOmukulili gue.
Omoluombili ndjoka pokati kauo na Kalu-
nga nomoluohoole ja Kalunga oje a hala uo
okuhoole oojakuauo nokukala e nombili
najo. Oje a hala okuguanica oshilonga shoka
Kalunga e shi mu pe muujuni.

Opo mpaka uukriste u nokuholoka uo
kombanda, mokukala kuomuntu. Omukriste
guashili oje omunandjungu, kee shi omuna-
njalo. Oje omunambili, kee shi omugentu.
Oje e nombepo jejakulo, kee shi ngoka e
nokulongelua. Oje e nombepo jevuliko, kee
shi omutsini nenge omupuidi.

Otu shi shi, aakuanegongalo ojendji oje
li ngashingeji kokule nuukriste mbuka ua-
shili. Ojo itaa ji moshilonga sha Kalunga
notaa imbi uo jalue mboka taa icanenua mo.
Oshoka naapagani uo ojendji otaa pula
pamue nomuleshi guetu: Ejuoloko oli li peni
ano?



Omukulukadi guomukuluntutumo,
efolo Kaisa Vuorela.

EKUNDO LA MEME KAISA VUORELA.

Meme Kaisa Vuorela, omukulukadi
uomuulikitumi omupe, Olavi Vuorela, ta
kundu ovakulukadi vovafita mOuambo no
mOkavango.

Ovamuameme ovahoolike mu Kristus.

Fje inatu shivafana koshipala noshi-
pala nde tu ljaane vali kokule nee-
nhgono, hatu popi omalaka inaa fafana
nokukala kuetu akushe inaaku fafa-
na. Ndelene oku na omukuatakanifi kumue
munene, ou te tu ningi ovamuainafana,
ovaneumbo vomeumbo limue. Oje Omuku-
lili uetu Jesus Kristus. Oje e tu ninga
ovana va Kalunga ndele fje ovaneumbo a
Kalunga. Omolua shoka tu vaneumbo a
Kalunga ohandi mu kundu ngaha.

Eindilo lange olo tuu eli: Kalunga ne
mu hapupalifile eitavelo nohoole omokukala
kueni, Jesus Kristus a kale munje.

Tamu kundua nohoole
ku
Kaisa Vuorela.

KUKU KUPILA GUOOMVULA 70.

Mefiku 29 la Januarie, „Omulongi guo-
magoja,” meekulu Hilma Kupila, okua
uanifa eedula 70. Meme Aino Vapaavuori,
meme Kaisa Vuorela, meme Maija Kantele
na tatekulu na meekulu Syrjä na ame tua
ja tu ke mu talelepo tu mu halele enangeko
noupuaa ku Kalunga. Otue mu hanga ku li
nga naua a hafa ngashi ha kala alushe.
Nosho jo meekulu Suoma Hirvonen tue mu
hanga e li naua. Atushe tua njakukiluafana
unene, eshi tua ongala pamue „ovauambo
ovakulu” vahapu ve fike opo, nde tua di-
mbulukifafana efimbo linja tua kaleni pamue
mOuambo. Kombinga imue oko nga tua fa
tua jile. Tatekulu Syrjä okua popifa meekulu
Hilma medina lovauambo jo. Nde oshinima
shimue she tu kumuifa unene, Ombimbeli
jOshindonga, meme Hilma e i peua omaa-
no, eshi je uja naa naa pefimbo olo, nande
la dja kokule ku Engeland, nde ja jile tete
kOuambo. Kalunga muene okua fa a ufa
oshinima osho nokutja, meme Kupila a pe-
ua Ombimbeli naa naa mefiku laje linene.
Ombimbeli ojo atushe tue i kuata tue i ta-
la nde tue i hambelelelela Kalunga.

Kundueni unene ku
K. Harjanne.

NOMUKUETU nando a tokelua ngeji na-
ji, ote mu pandula note mu halele omasiku
gelago muukulupe ue.

Kulupa nomeho majego ndi ku taasi-
nine.

Ihe epulo ljetu oljo ndika: Ekuaco oli
li peni, opo aakriste ja kale natango aaja-
puki, ja kale ja joololua maapagani noma-
dini? Ejamukulo oljo limue alike: Ekuaco
oli li meitedululo ljandje nomeitedululo
ljoje.

Otse otu nokudimbulula, ongoka ti ifa-
canica nuujuni mbuka, oje oti ikanica uo
pamue nauo.

Omuaa Kalunga, tu pa eitedululo ljashi-
li, tuaa kale aakriste jedina!

Lesha 2 Kor. 6:14-18.

ETUMO OLJO OSHILONGA SHA KALUNGA.

Tse otu shi oshinima shimue, osho
shika kutja etumo kali shi oshilonga sho-
muntu, mpoka tatu vulu okuninga omate-
ngeneko miinima ji ili no ji ili. Oljo oshi-
longa sha Jesus Kristus muene, oku tu
gongela miiguana ajihe tu ninge egongalo
lje muene. Opo mpoka omatengeneko age-
he gopantu ga hulu, notatu koneke kutja
otu li kolungenge luonkumue nokacimbo
kehe otatu vulu okulamininua kiinima mbjo-
ka inaatu ji tegelela.

Otu li moshilonga sha Kalunga shoka
shi nomauvaneko ga Kalunga omanene.
Momaciminiko agehe omauvito ngaka ota-
ga ningi ehekeleko kutse ecimbo kehe.

J.K.Bavinck.

OMUKALO OMUPE GWOKUNYOLA OSHIINDONGA.

Monomeri yotango yomumvo nguka
omua fatululwa omukalo omupe gwokunyo-
la oshindonga. Mpaka otatu tumbula nata-
ngo omalunduluko ngoka taga holoka mo-
mukalo ngoka omupe:-

- (1) th otadhi nyolwa peha lya c
- (2) dh otadhi nyolwa peha lya d,
ngashi moshitya "edhina"
- (3) ndh otadhi nyolwa peha lya d,
ngashi moshitya "ondhimbo"
- (4) y otayi nyolwa peha lya j konya-
la apehe, kakele ashike nkoka
ku na ndj.
- (5) ndy otadhi nyolwa peha lya ndj
miitya iyaali:
a) "evi ndroka" b) "oondya"
- (6) w otayi nyolwa peha lya u, ngele
tayi landulwa natango kondanda
yilwe mokatumbulo tuu nkoka.

Moshifo shika otamu aadha nokuli oohapu
odhindji dha nyolwa pamukalo nguka omu-
pe. Komeho otadhi ka indjipalithwa natango.

OSHIKOLOLO SHOMEGUMBO

EPUTUDO LJOPAKRISTE MOMAGUMBO.

Etsikilo.

3.

Omaimbilo oge na ekuaco enene mo-kanona. Ogo taga tungicile momuenjo guo-kanona onduulukue jokujuulukua oondji-mbo domegulu. Momagumbo gamue gaa-kriste omu na omukalo nguka: Aakuluntu oje hole okuiimba omaimbilo aluhe konima juulalelo. Aanona ojendji ji iimbi pamue naakuluntu jauo ju uuda enjanju. Osho ngeji aanona jauo taa ningi oonkulungu dokuiimba, sho taa iigililicua okujoolola omaui goondjimbo. Onaua megumbo limue ngele omu na aagundjuka ojendji no ja kala uo momalongo, ja tseja oondjimbo di ili nodi ili panote, je ga imbe, noje ga lon-ge aanona pohungi. Otandi dimbulukua naua ecimbo ljangje ljopuunona kutja okua li ndi hole komambo noonkondo. Oluindji sho nda ende tandi shokola konima ja me-me sho tua uuka kongerki, ondu uuda shi-li enjanju pombanda. Omoluashike u shi? Onda juulukua meni ljangje oondjimbo domelongelokalunga. Sho tua ciki monger-ki, otandi pulakene nokana kue ekama, omusita sho ta imbi: "Omuua na kale na-ne", notandi jamukula meudonjanju ljangje: "Nesho uo na kale na ngoje! Akutu shili aakuluntu jamue sho iitaa sile aanona jauo oshimpuiju okuja mongerki. Shika otashi ti, aakriste jamue nani kaa uvite ko kutja ongerki otaji kuaca uo aanona meputudo ljopakriste momagumbo. Opo nde shi di-mbulula uo kutja nani aagundjuka ojendji sho haa njengua okucika moongerki petamekolela ljelongelokalunga, nani oshoka inaje shi putudilua muunona uauo. Nando ngame onda kala lokule nongerki jaandjetu sigo ongashingeji -uule uomaila 7 nokuli-, olumue aluke moomvula adihe doka 29 onda ada ongerki jaandjetu elongelokalunga lja hita mo. Ihe pomacimbo galue onda ci-ki ko pecimbo ljoopala. Esiku limue alike ndi iimbua komuzimbi guomvula. Ihe ote ti, shoka sha hili ndje okucika aluhe peci-mbo, osho okupulakena nokuiimba oondji-mbo delongelokalunga, ha omauvico.

Isheue nda tegelele aluhe nenjanju okuiimba pamue na tate konima juulalelo. Ondi shi uo kutja aanona ajehe oje hole omaimbilo. Tua tumbula uo nale nkene oomuenjo dauo tadi tungua kugo. Nasho-ka uo tashi kunua moomuenjo dauo, otashi ningua omukanka guukriste uauo. Miinima mbika omukriste ngele ta kala omudiginini egumbo lje otali putukile muu-kriste uashili.

4.

Okugalikana. Aantu ajehe konjala ohaa diginine egalikano ljopiikulja, osho oshuanaua nosha pumbiua shili. Jina joka-ona ota longo okanona okutula ominue nako kumue nosho no te ka longo okuci-dikila. Osho uo aanona ngele taa ka lala,

jina te ja cindikile mombete note ja longo okutsa oongolo nokugalikana ja tula iika-ha jauo kumue. Oje ne ja tonatele shili nuudiginini, sigo ja kuatua nokuli kondji-gilile. Na tale uo elongo lje ngele lja pi moku ja konakona.

Ashihe shika-otashi kokekele mokano-na etilokalunga. Nombepo a ihe jomegumbo oju udilila etilokalunga. Aanona ngele taa putudilua mombepo ja tja ngeji, osho taa ka kala nomuukuluntu uauo, je shi okuiilo-ngelela momalongelokalunga nopomaha ke-he mpoka tapu popiua edina lja Kalunga. Oombuto adihe oombuanaua tadi kuninua momuenjo guokanona odi noonkondo oku-sinda ombepo jako. Muje nando namu guajele oombepo duuinaji omoluokuaano-ndunge kuako oombuto doka otadi tsikile oshilonga shado muko, notadi vulu okusi-nda omuenjo.

Aakriste ojendji oje eca okugalikana pamue, ja tsoongolo. Shika otashi ti combe-po dauo oda topoka, inadi tsa kumue. Onke oshil ja Kalunga otaji ja tompo shi-li ngele taa hangana megalikano. Omolua-shoka tatu ada momagumbo ogendji mu noombinga mbali. Gumue sho a hala aano na ja longue evuliko, omukuauo ota t, "To hepeke aanona". Sigo naanona jojen: taa ti: "Nguka ote tu hepeke, nguijake oku tu hoole". Shoka osho osheelo oshinea ne shokuegululila aanona muukaanevuliko-Ckugalikana pamue kuomusamane nomu-kulukadi otaku ja kuaca okudimbulula mpoka taa pumbua okudiginina elongo lja-uo omoluojana. Otaku huamica ohole jauo. Otaku koleke eitaalo ljauo. Otaku ja tsu uulaadi nomukumo okuhuma komeho esiku kehe muukriste uauo.

"Shino shi ningeni nomagalikano no-maindilo agehe nokugalikana omasiku age-he mombepo nokutonata muudiginini auhe nokugalikanena aajapuki ajehe". (Ef.6:18).

Onke ano eputudo ljopakriste otali ho-loka momagumbo gaakriste ngele:

- 1) Taa diginine oohapu da Kalunga mo-magumbo gauo (oandaha)
- 2) Taa diginine omaimbilo omajapuki mo-magumbo gauo.
- 3) Taa diginine egalikano piikulja moma-gumbo gauo.
- 4) Taa diginine egalikano ljomombete momagumbo gauo.
- 5) Nongele ojo aagalikani jashili muu-ike. M. Kristian.



OKUGANDJA.

Otse aakriste ohatu imbi oluindji: "Sho-ka tu na osho shOmuua, cimbo nuujamba uo uetu." Otu shi shi, eliko ljetu uo oli nokujakula oshilonga sha Kalunga. Shika otashi ti ngiini? Ojendji oje shi, shaa taa utu iigandjua jegongalo notaa tula sha moongalo, oja guanica naua ehala lja Ka-lunga moshinima shika. Ihe hasho. Oohapu da Kalunga otadi tu longo okugandja o'ui-ndji, pomacimbo gu uuvanenua, nopandjele ja jeleka.

Omujaapostoli Paulus okua njola: "Esiku ljotango ljoshiuike kehe, okehe tuu guomu-ne na pungule sha maandjauo palikolo lje." (1Kor.16:2.)

Omujaapostoli okua uuca, aakriste ji ilo-nge okugandja omacimbo nomacimbo, pala-ndulacano lja jela. Onaua, omukriste kehe ngele iuuvanene a joololele Omuaa ombi-nga ju uucua jomiimaliua ajihe mbjoka te ji mono nenge jomiinima ajihe mbjoka te ji likola. Ngoka ha taamba ondjambi, na kuce ombinga ndjoka mondjambi je, esiku tuu ndjoka te ji peua. Omunempja na joo-lolele ombinga jOmuaa kolupale, manga ina ka pungula iilja je.

Ombinga jOmuaa ano ji cike peni? Ombinga onshona ndjoka taji popiua mo-mbimbeli ojo oshitimulongo. Omuprofeti Malakia okua njola: "Eteni oshitimulongo sha guana. ... no talii ndje ihe, Omuaa Sebaot ota ti: Oshili, otandi mu egululile oombende dokegulu notandi mu tilile eja-mboko ljuujamba lja guanenena." (Mal.3:10.) Mevangeli pa Mateus (23:23) Jesus ta ti, iitimulongo mbika "jaa shi 'kueciua'."

Aakriste ojendji otaa kamua koluhepo jo kaje na ejambeko lja Kalunga, sho ihaa gandja kOmuaa oshitimulongo shomiilikolua jauo. Ando je shi gandja, ando Kalunga e ja jambeke nokue ja hepulua.

Omukiintu guontumba ohepele okua li ha pe egongalo ljaandjauo omagano. Omusita okue mu lombuele nokua ti: "Egongalo olja guana oku ku kuaca; ngoje ito pumbua oku li pa sha." Omukiintu okua jamukula ihe: "Inamu panga ndje ompito ndjika ombuanaua okukuaca Omukulili guandje moshilonga she!" Kalunga e hoole ngoka ta gandja ngeji.

Oshitimulongo oshi nokupeua ano lje? Egongalo otali longo oshilonga sha Kalunga mokati ketu; onkee egongalo oli nokupeua iimaliua ja Kalunga. Ihe Ombimbeli otaji tu longo uo okukuaca aanaluhepo ajehe medina ljOmuaa. "Ajihe mbjoka mue ji ningile ogumue guambaka aamuatate aashushuka, ongame mue ji ningile," Jesus osho ta ti.

Ano ope niinima ine taji tu kumagida okugandja oshitimulongo. Shotango osho ehala lja Kalunga, ondjoka tu nokuvulika kuljo. Oshitijaali osho oompumbue doshilo-nga sha Kalunga tashi lalakanene ehupico ljoomuenjo. Oshititatu osho olupandu oku-pandulila Kalunga omagano ngoka tue ga peua kuje. Oshitine osho ompumbue jetu jokumona ejambeko lja Kalunga. Tu gandje-ni ano nenjanju!

(Elundululo.)

Oshikololo shaagundjuka.

MUTALENI NAHENDA.



29. Ohaluka okui itsu kediladilo limue: „Ando tandi falele Hanna oongala domavo, pamue te ke di njanjukilua.” Oje nokua ka tona oongala kedija



31. Pombete ja Hanna ojo ajehe ja hambelele Kalunga ealudo lja Hanna. Omuhongi nokua ti: „Nangoje, Mutaleni, tatu ku pandula uo. Ongoje ua li oshilongico meke lja Kalunga, oshoka ua silohenda Hanna sho a li a pukile, mokuti. Edina ljoje Nahenda tali ku oopalele.”



33. No moshilongo shaandjauo Hanna okua dimbulukua okahua ke Mutaleni Nahenda nokue mu njolele ombapila.

Andola ongoje to mu jamukula peba lja Mutaleni Nahenda!

Ehokololo ndika olja hulu ihe.



30. Kongulu okue ga gandja komuhongi e ga cikicile Hanna. Omuhongi okua pandula nokua ti: „Ila mo, Hanna te ku juulukua. Ngashingeji ku li po iihuepo, omasiku ku li nauelela.”



32. Mutaleni a kala pongulu nokua ji moskola esiku kehe, ina faula nando. Hanna sho kua ji koshilongo shaandjauo pamue naakuluntu je, oja lalekacana nohoole.

TALA NDJE, OMUUA.

Otandi dimbulukua okacimbo kamue mokukala kuandje kuonale. Onda li mondjugo jimue kaji shi ondjugo jenongelo. Otua kala mo naantu ojendji tatu kundacana. Onda pilamene komuelo notua popi nomukuetu ihe haluka ouala ndu uuvite mondjugo mue ja omuntu ndi mu shi naua, oje omunongeki guetu tu mu hole. Euuvito ndika sho lja kala lja kola nda punguluka ndi tale ngele e ja shili mondjugo, niuhuna, oje naa naa ta cikama momuelo ta tala ndje. Nda kuminua omuenjo guandje sho gu uuvite uupopepi ue nando inandi mu mona tango manga a cikama ta tala ndje.

Esiku limue ngoje ua kala to juulukua to ti: „Ando Tate guomegulu a tale ndje nangame uo ndi mu tale koshipala!” Ihe oku mu mona nomeho goje gopalutu ito shi vulu, aue.

Moramata tatu lesa opendji nkene omeho gOmuua taga tala mboka je mu inekele. Lesha ano Ps.145:15, Ps.34:16 Ps.33:18. Oohapu dika tadi eta enjanju ku ngoka e li po ta juulukua omeho gOmuua ge mu taalele.

Ngika to pula: „Tashi vulika tuu omuntu a kale u uuvite naa naa ngashingeji ngeji okacimbo tuu haka Tate guomegulu ta tala ndje manga ndi li mpaka?” Eeno, otashi vulika. Tandi shi tseja uo nomokukala kuandje muene. Oluindji manga nda li mongerka nenge nda li muuika tandi lesa nenge tandi galikana ondu uvite naa naa Omuua ta tala ndje no nda li ndi netilo nenjanju momuenjo guandje oshoka muupopepi ue ndu uuvitile mo ohoole je nuujuuki ue.

Aakriste ojendji oja peua uucimbo wa tja ngeji uuna ja li ju uuvite uupopepi uOmuua, ngoka e li popepi najo noja fa taa kala naa naa kohi jomeho gOmuua.

Ihe oluindji tu li po katu uuvite uupopepi uOmuua, ihe tu uuvite e li kokule natse nomeho ge ga taalele palue, itage tu tala nando.

Uuna satana a hala e tu ningice uuinaji ote tu lombuele ta ti: „Kape na ngoka te ku mono, u li po auike, ninga shontumba noshongandi. Ito monika nando okulje.” Ihe ngoje kala u shi shi: „Aluhe omeho gOmuua ge ku tala.” Shika nashi ku pe omukumo ngele u li momamakelo. Shika nashi ku pe enjanju uo.

Tu tje: „Jaloo Omuua sho ngoje ino tu dimbua no ino dimbua ndje, ihe to tala ndje nomeho goje. Kuaca ndje ndi shi dimbulukue aluhe napehe.”

O K A A N D J E T U

OONKUNDANA DO KEPANGELO-NGERKI:

Epangelongerki lja tokola esiku ljoshipe numvo li ka ningue mesiku eti 27 lja Mei 1956 (mcsondal a jUukuatatu). Opo omaandaha ngoka ga landula Osondaha jetililo ljOmbepo Ondjafuki (20 Mei 1956) ga kale esiku ljiilonga no ljuskola, kali shi ue esiku ljomambo.

Epangelongerki lja tokola uo oongalo domorralongelokalunga numvo 1956 nadi longicue ngeji:

Ongalo ja Epifania moshikeca shetumo shongerki ajihe.

Ongalo jesiku ljetumo omoshikeca shetumo shoshitajingerki.

Ongalo joshipe (eti 27 Mei) omoshikeca shegongalo.

Ongalo jesiku ljelondo omoshikeca shetumo shongerki ajihe.

Ongalo jesiku ljoosa dOmukulili omoshikeca shoohepele.

Ongalo jesiku ljetango ljejumuko omeukuaco ljuskola jaasita.

Ongalo jesiku etijaali ljejumuko omoshikeca shopokati shongerki ajihe.

Ongalo jesiku ljOkrisimesa no jetijaali ljokrisimesa nadi je moshikeca shoohepele.

Ongalo jesiku ljomumvo omupe omoshikeca shegongalo.

Ongalo josondaha jotango jomuedi kehe okuza mu Februari nadi je moshikeca shopokati shongerki ajihe. Josondaha jotango ja April ojo ajike itaji ji ko. (Oshoka ojo osondaha jejumuko.)

Ongalo josondaha ontijaali ja Januari, Maart, Mei, Julie, September na November nadi je moshikeca shetumo shoshitajingerki.

Ongalo josondaha ontijaali ja Februari, April, Junie, Auguste, Oktober na Desember nadi je moshikeca shoohepele.

Ongalo doosondaha doka da hupu nadi longicue patokolo ljelelogongalo nomutonatelishitajingerki, ngele epangelongerki inali dimbulula oompumbue dongerki ajihe.

Ongalo adihe doka ihadi ji moshikeca shegongalo omusita ne di tume komutonatelishitajingerki e ke di cikice kaadiginini jimaliua jongerki.

OONKUNDANA DOSHIGONGI SHO KOKALOKO SHESIKU ETI 18/2/56.

Eimbilo ljetamekico omukuaniiilua okua ti nali imbiue tua cikama.

Epopico ljoohapu da Kalunga negalikano ljetamekico sho lja hulu omukuaniiilua okua ti: "Onda dimbulula ojendji ihaa si-maneeke egalikano. Uunene megalikano lje-hulico ljoshigongi ojendji haa kala je neulumo. Inamu hala nan: mu galikane Tate guopombarada a jambeke iigongi jetu? Oolje je li mpano je uete egalikano tali ja manene po cimbo?"

Ongundu: "Otua hala okugalikana."

1. Omukuaniiilua a pandula aantu je omoluoompango doka a dimbulula je di guanica. Nokua ti: "Itandi pandula mboka je di guanica ashike moluumbanda sho ja tila okugeelua, ihe otandi pandula uunene-nene mboka je di guanica sho je uete kujta ompango ndjoka ombuanaua.

2. Omukuaniiilua a pula: "Omatamane-kacano gokua natu ga diginine nopecimbo ljomagongo nenge otamu ti ngiini?"

Ongundu: "Aue, naga fude po manga

oshoka omajamukulacano gaantu ja nua ihaga uuka."

3. Omukuaniiilua: "Iikondjico joendjembo noomuele noodimbo nomakatana nadi endiue najo mokati kaantu, nenge otamu ti ngiini?"

Ongundu: "Aue, inaji endiua najo mokati kaantu, shila omokuti."

4. Moluoenda omukuaniiilua a ti: "Mboka je li mpaka inaa uendua naa jeluca iikaha. Efraim, jalula iikaha mbjo." Efraim Angula mokujalula iikaha okua mono iikaha 130. Omukuaniiilua okua pula oogumae noogumue: "Ngoje oshike she ku imbi okuendua? -Ngoje oto ji tuu ngashingeji u ka uendua?" -Omukuaniiilua okua kumagida noonkondo ajche ji iuendice nokua ti: "Onda hala kehe omuntu guomoshilongo shetu a kale a uendua. Tu taambeni ekuaco ljouenda tue li etelua omagano. Eso ljoshito ngele lja kuca po omuntu ino tja okua liua kouenda, aue. Ouenda kaji na shipcnga. Oojene jomikunda jaluleni aantu jeni mboka je li momikunda deni inaa uendua mu ja tume komaha goouenda. Naapandala na mboka je nuungame, ja kumagideni shili ja uendue."

5. Omukuaniiilua a ti: "Otandi mu etele ediladilo limue, ihe ondi shi shi ajehe mboka inaa tseja uujuni uongashingeji mpoka u uka otaa ka kumua koohapu dika. Tse otua hala efendelo li kale ljiicilinga 10/-. Pamue otamu diladila omukuaniiilua a hala okulanda amatukutuku? Aue, miimaliua jefendelo ngame kandi vulu kukuca mo nando ongunga. Olje e shi oshilonga shiimaliua jefendelo?"

Ongundu: "Ohaji popile oshilongo shaa teke po kondjala"

Omukuaniiilua: "Mboka inaa zimina 10/- naa jeluca iikaha." -Inaku monika oshikaha. -"Mboka ja zimine 10/- naa jeluca iikaha" Ongundu ajihe no ja jeluca iikaha.



OMUKUANIIILUA GUAANDONGA EINO JOHANNES KAMBONDE A CANEKUA ESIKU LJOKRISMESA MOSHIHAUTO SHE OSHIPE.

6. Mokukumagida aantu ja diginine okuholoka ajehe moshigongi shoshilongo omukuaniiilua okua kumagida oojene jomikunda ta ti: "Inamu ciga ue aantu jeni komagumbo taa kanica ompito ndjika ombuanaua tue ji peua ku Kalunga jigongi taji humica komeho. Ngele Kalunga a shunica omagano ge mondjato sho ino ga taamba pecimbo, olje to vulu oku ke ga kuca mo mondjato ja Kalunga. Moshigongi shoka tashi ja otatu jalula muene guomukunda kehe naantu je mbo je ja koshigongi.

7. Mokukumagidila aantu mevuliko omukuaniiilua okua ti: "Evuliko ku Kalunga ito li nukile megulu ngele ito ilongo okuvulika mpoka ua tulua ku Kalunga.

8. Mokutegelela elongekido ljoombapila domaigido gamue omukuaniiilua okui imbica "Tua ngundumana tse tu je miituci jomuujelele. Kuua kale ngo a cigala. Kuuheci no ti ikanica." 140.

9. Omaigido sho ga pu omukuaniiilua a lombuele aasitagonga o ja hulice negalikano.

Osho ngeji oshigongi shaalumentu ja konda 800 sha kala ootundi mbali mengungumano. Ombili ja monika miipala pehulilo oongundu noongundu sho taa minikacana ja fa inaa hala okutopoka.

EJAPULO LJOONDJOKANA.

Omulongimati: Paulus Uguanga nomukadona gue Laimi Efraim oja japulilua oondjokana oondjapuki esiku eti 3.1.56.

Otundi onti 10.20 otua hiti mongerki jokOshigambo. Ongerki oja li ju uda shili aantu ojendji, oshoka aahokanacani ja li po jahamano nokuli. Mongerki tua li mo negundjilo euanaua notua tameke neimbilo 219. Omusitagongalo David Shepo a ji koshijambelo nokua fatululile oojene joshituci oondunge domeimbilo tuu ndjoka.

Konima jeuvico aafuko ja cikama ihe nokutaalela omusita opo ja taambanicue moondjokana. Otse otua li tua njanjukua shili mokuja tala. Noomuenjo detu da li du udilila efuu ljauo. Ehokanico sho lja pu, aafuko ja kuutumba ihe. Omusamane Efraim Nangombe pamue negumbo lje alihe ji imbile aafuko eimbilo: "Omuaa oje egameno noje omukumo guetu." Eimbilo sho lja hulu, tua ji tu ka minike aafuko.

Tua piti mo ihe mongerki nokuenda megundjilo euanaua. Omaimbilo inaga dancua nande moshituci moka. Oshoka omaimbilo ga adika ga longekidua naua. Opuu li pu na ngoka ta tumbula omacele naatuhe tatu kongo eimbilo ndjoka, notue li imbi naua negundjilo. Omufukokadona ina kala ta lilagana je ina siililika oshipala. Okua li e nonkalo ombuanaua ndjoka taji hokiua notaji ka pumbiua kaafukokadona aauambo ajehe. Otua ji ihe megumbo ljaandja Efraim notua ada mo aajenda ojendji. Pua ningua ihe omauvico, naauvici ajehe ja tumbula nokuhalela aahokanacani elago nejambeko mokukalamuenjo kuano akuhe. Okua li uo aatumua aasuomi. Jaali jomujuo ja mono ompito okutumbula sha noja halele uo aafuko elago megumbo ljauo taje ke li dika.

Uuanaua osho ua tsikile ngaaka sigo esiku lja landula. Otua ciki isheue megumbo ljomusamane Efraim Imene, Opuu ningua omauvico, nongalo. Jo inaji pangelua ku shoka tashi liua nenge tashi nuua, aue. Elago nejambeko lja Kalunga lja kala shili moshituci moka.

Aagundjuka mbaka ja kala shili nuugundjuka uauo naua noje u mono u nondilo. Oja lalakanene esindano ndjoka, sigo je li ada. Kalunga na kuace aagundjuka ajehe nojo uo ja ade esindano ndjoka.

David Leonard.

SHITLANGU.

omuna guokombanda

Lja njolua
ku
Andre de Clerc
na
Edoardo Mondlane

Lja lundulua
ku
Hosea Namupala,

Etsikilo.

Onda kala nomitima mbali tadi denge montulo jandje oomuedi dimue. Omutima gueinenepeko noguuntsa sho nda hogololua koshiguana ogo gua kala tagu pangele. Ii-holelua jootate jonale, noonkondo dedina llandje oda tsikica ndje.

Na isheue, pecimbo oljo tuu ndjono, okanima okashona momadiladilo gandje inaka muena okuinjenga. Inandi vula okudimbua omaimbilo ga Mutombeni nomahokololo e ga hokolola. Iinima mbika najo uo oja kuata ndje noji injengica omutima guandje omutijali.

Aamuameme aakadona sho ja piti oskola, oja diginine nuupenda okutja nandi je najo komambo. Onda ji opo ndi ja pe ombili.

Iinima ojoopala ihe sho tua kala hatu ji komambo koohapu dOmuua.

Ihe sigo opecimbo ndjoka ngoka ta diladila kutja ongame omukriste ota puka.

Uutati niikuti.

Onda likola esimano mokati kaamati jokuusita.

Linkoti jiiikombo nojoonzi ondi ji shi.

Omatilico gomuiidi omule nogiibeke ihaga tilica ndje ue. Ito mono ndje we tandi nuka omati omakukutu ga lala manga inaandi tala ngele kohi jaljo kaku na ejoka, shoka omajoka haga kala oluindji kohi jomati ngoka ga lala. Ondi ilongo okuhika omuilua nokudipaga oombuku noonjenti mbo-ka haa- taulua komakuena kepeja. Omauvito gandje geinenepeko nogokuaanahoni oga shituka nau ngame uuntsa. Ondi iuvite ongame omumati omunene ngoka ta vulu okuigamena muene, ngoka itaa longua sha ku jalue ihe oku ja pangela ouala.

Ondu uvite onkondo dandje dopalutu, nepangelonkondo llandje, li nokudimbulukua.

Onda li nda njanjukua shili esiku limue omukiintu gua mumuameme, gomulumentu ngu ha longo momina muJohannesburg, a etele ndje uutati tau adima, epokolo ljauo oshiti, sha zulua manga oshipju sha jenjekua komulilo, koondungu dasho etaku gonjua kashona, onkandja oja li joholongo. - Shika osho naanaa oshinima shi holike kaasita aakongo, - osho nda diladila. Uutati mbuka oua li ua mangelua okandjandja okakukutu koshijamakuti ke li ko ka fa uulenga, ka mangelua ko konganga onene ndjo je u ninga. Okandjandja nkaka oko omuti tagu pe omukongo elago ljokucaneka nokudipaga.

Opuu li uo pe na iikuti ijali ja tendeenua komulumentulumentu. - O, tangi meme, tangi suuala jandje! -

Onda tutula uudano tau kumica uuda-no hau danua komukongo ngele a dipaga. Kuku okua piti mondunda nokua minike ndje!

- Ijoo, ijoo Nekandangala ljombandje! -

Ano otashi ti, kandi shi ue okasimane-kua okaShitlangu okajapuki ihe eShitlan-gu ndjoka li li pokuja muulumentu.

Kuku ngoka ihaa kala ko okua igida:

- Oshijahua shoje shotango ndi shi osha njokokulu, hasho?

A kuutumba ponima jondunda je e egamena kiihenguti ti isina oona nokua tala ndje ti imemeha a fa u uvite naua eta ti:

- Aacici otaje ke ku pulica u ninge omuumbi guashili. Shaa omuntu oku shi shi kutja he okua li omukongo guolela. -

Okua kala ta tala kombiga joofookua taji guaguata peziko. Pooha opua li omu-muameme omukadona ta ningi oshikuiila. Aakadona osho je hole.

Onda li ando nda hala ndi tameke oku-kala okupe manga ecimbo inaali pua po. Ihe iimuna jandje oja tameke isheue uu- mbudi uajo. Okakombuena oka tula omutse nokambundu komeja nokeka tatula; ii- kombo oja guajele megumbo. Egumbo olja fa ouala lja shi ljaandjetu. Manga inaapa ningua sha omumuameme omukadona okua ganda ndje:

- Endelega u ke edilile iikombo moshi- gunda shajo. Otaji longo iinima jaa na mu- tse nondungu megumbo. -

Onda diladila mu ngame kutja omu- muameme nguka oha simanekua ngaa. Ihe ina guana okuganda ndje. Oku nokudidilika oje omukiintu. Ngame kandi shi ue okama- tjona. Onda lengalenga ndi mone ando ngo ta kuaca ndje. Olje ootu ta dengele ndje omumuameme nguno? Meme ota denge eona limue noshiti, lja li po omboga ja li ja muinua montungua. Ecimbo inali opala. Kape nompito oku shi lombola ko. Nguno kuku oku li po isheue ouala ti icana uu- nona tau danene mondjugo. Uunona ua suuala jandje, u je u kuace ndje.

- Ileni mu kuace Shitlangu. Gongeleni oonzi niikombo e tamu kala tamu di tala okacimbo. -

Onda li ndi nehala okuulukila okama- meme haka oonkondo dandje muusita. Onda tidatida iimuna jandje mbi ja pumpa; inapa kambadalua nokuli onde ji gongele moshi- gunda. Okuza mpoka ondi inenepeke nee ihe nani nda dimbua okujalula iikombo ja- ndje, jimue, mbali, ndatu, ne, ntano, hama- no. (yinue, timbiri, tinharu, mune, ntlhanu, ntlhanu na jiaue, ntlhanu na timbiri . . . ou uete tuu nkene sha fa oshiuambo?) Sho nda li nda hala unene okukumica aa- nona mba. Osho ngaaka ja tala ndje no- nkumue.

Onde edile po osheelo nonda dimbua ajihe sigo ongula ando.

Kombinga joonzi inadi pumbua okuhi- ngua, oda ji dene koshigunda, puua na nando uudigu.

Osho ngaaka iilonga jandje ja pu no- nda ka kuutumba pooha da kuku. Ohaluka ondu uvu eui tali zi kokule tali popi no- kuendelela nomagandabadi. Osho lje ja kashona na kashona sigo otu uvite naanaa sho tali tumbula.

Meme okua matukile ku ngame a geja nokua ti:

- Oua ningi ano ngiini, Shitlangu? Ii- kombo oji li peni? -

- Omoshigunda meme. -

- Kape na nando shimue shaa po? Pulakena omukulukadi! -

Eui lja tsikile nokushundula ndje. Okui icana ndje kedina; e ta popi nokushundula ndje tuu shili. Oku ula ndje omuna guo- mbandje noguembungu, tashi ti omuna guomulodi.

- Aacici naje ku cinge naalodi naa kame omandjandja goje, omusita ngoje omu- lofu to licile ndje ilja! -

Ontulo jandje ji ihutu mumue noja digupaleke ndje okufuda.

Meme okua lombuele ndje: - Tala oua dimbua oshikombo shimue. -

Omupja omunene ecimbo oljo tuu ndjo- ka okua zi oshikombo shomiiikombo jandje tashi njanja nokulila. Osha li sha landulua komukiintu guegumbo ljopuushiinda. Okua li e noshitago okudenga oshikombo. Oshi- pala she oshu uda ondjahi, a fa naanaa a hala oku shi dipaga sho sha ji mepja lje.

Otatu tala naua nena! Oshikombo sha matukile ngaa koshigunda ihe osha ada pue edilua. Onda tala nee moshikombo osho shi fute shika. Onda kuca etago nonde shi daadiga noonkondo adihe. Aacici oja pa ndje okucaneka. Oshikombo onde shi denge koluiinga nolua teka ko, nosha zi ombinzi.

Opo tuu tandi egulula osheelo shoshi- gunda, omukulukadi ngoka okua nukile ndje a kuate ndje ando. Hasho uo he tegelele shoka. Onda ka holama mondunda te he- kumuna noonkondo.

Manga nda holama mondunda aakulu- kadi otaa tamanana uuinaji mbuka ua ni- ngua koshikombo shandje. Oja popi sigo oontamanana da ji muule, sigo aniuu nadi je kuuu. Aakuaniilua jetu ngele itaje di tokola naua do di je kepangelo ljiilumbu.

- Ou shi aniuu Shitlangu guoje ota vulu okuhenuka epangulo ljoveta? - osho omukulukadi a popi.

Meme oje onunandunge. Okua tege- lele a mone ecimbo okupopja nepangelo ndjoka li noshili. Okua didilike kutja uui- naji ua ningua koshikombo kau li naanaa ngashi omukulukadi nguka ta ti. Okuenje inaku ja natango. Kape na ngo e shi kutja okufu nkuka otaku kala netejo lja tja ngii- ni.

Mokupulakena kuandje sho ndi li muuikue uandje mondunda nda tsa enjonti, onda didilike uufule nuuanaua ua meme. Ondi imanga okapandi, nda sa ohoni okuja mo moontamanana doka de ja omolua ndje. Onaua sho itaandi iholola. Ihe aakulukadi oje li ngaa moontamanana dauo nando kandi po.

Ohugunina ondu uvu taa tida ondjuhua. Oontamanana oodigu daakulukadi jo nu- Afrika osho hadi hulile mokutida ondjuhua.

Ngame osho nda kala nokulendenda sigo nda koca.

Esiku lja landula ko sho nda penduka omutima guandje ogua li gu na uudigu. Meme okua li e nokufuta uuinaji mbuka. Ogame Shitlangu mokutala meme ta ningi ngaaka, jina ja Shitlangu, ope nuudigu. Ondi nokutegelele epangulo edigu.

Tadi tsikilua.

OUNJUNI TAU TONGO SHIKE

OONKONDO DETANGO TADHI LONGITHWA KAANTU.

Etango oli noonkondo odhindji. Iimeno ayihe oya pumbwa omutenya, opo yi koke. Osho ano iilya niikuni niipilangi, ayihe oya "longwa" kuuyelele wetango. Etango otali tu pe wo uupyu mboka twe u pumbwa, opo twaa se. uatalala. Uupyu wetango otawu kwatha wo okueta omvula.

Sigo ngashingeyi oonkondo ndhoka dhetango inadhi vula okuudhwa komuntu. Otwe dhi taamba nгаа mosupe ndoka twe dhi peua. Ihe ngashingeyi aanandunge oya tameke okulongitha shili oonkondo dhomutenya, ano uupyu uocnte dhetango.

Ngele tatu yeke pevi eha li thike pu 50 vk.jrts., ano eha ya yekeka nongulu yimwe yoskola, e tatu yekeka natango oonkondo dhoonte dhetango meha ndyoka, nena oonkondo dhoka odhi thike poonkondo dhoogelling 6 dhombenzina tadhi longithwa meshina iyontumba. Oogelling 6 dhombenzina sho tadhi gwana okuenditha o'oli onene okuza kUukwaluudhi sigo kwElim, nena oonkondo dhoonte dhetango meha ndyoka eshona otadhi vula iilonga yi thike peni?

KwIndia aanandunge yamwe oya toto omasiga taga longitha uupyu wetango. Ihamu tulwa iikuni renge omaholi, aawe, omasiga otaga falwa ashike momutenya. ombiga otayi tsilikwa ko, no nge pwa piti oominute 20 nenge 30, omeya oga fuluka. Momasiga ngoka omu nekende enene ljo-shiitalelo tali gongele oonte dhetango pokati peha limwe. Opo tuu mpoka tapu tsilikwa ombiga. Omuntu ngele ta longitha ombiga yo oopala, omboga tayi vulu okuteleka ya pya moominute 15. Omasiga ga tya ngaaka oge nokutonatelwa ethimbo alihe, opo ekende li taalele aluhe nawa ketango. Oshilonga shokuteleka nge sha pu, omasiga ngoka otaga vulu okukuthwa kumwe nokupungulwa mokaketha okashona, oshoka ekende wo ndyoka oli niitopolwa ihetatu yi shi kukuthwa kumwe nokutulwa ishewe kumwe.

Epangelo lyokuRhodesia olya landa omasiga gamwe mwIndia, opo li tale, ngele taga vulu okukwatha aaluudhe mboka ye li miipangelo nenge pomaha ga mbugala, mpoka pe nuudhigu okumona iikuni. Omasiga ngoka otaga pula £3 kehe limwe.

Ngele tapu longithwa omakende omakende shili, nenge omakende ogendji, otapu vulu okugongelwa uupyu uomutenja owindji wa gwana nokuli okuhemukitha iyee-la. Omakende ga tya ngaaka oge li muFrankryk. Omakende ogendjigendji ga tulwa kumwe ga ningi ekende enene lya yekeka 170 vk. jrts. Omakende ngoka itaga tonatelwa komuntu, e ga uukithile aluhe luoketango, aawe, ope neshina tali shi ningi tali wilikwa koonte dhetango dho dhene.

Omuntu ota vulu wo okumona omeya omapyu nuupu, ngele ta gongele tango uupyu wetango moshiketha sha gwayekwa meni oshiluudhe nosha tsilikwa tu tye kondunda yongulu. Oshiketha sha tya ngaaka ngele tashi siikilwa nekende lyowala nenge nelapi lya "plastik", oonte dhetango otadhi yi mo notadhi pupyaleke oshiketha, ihe uupyu mboka itau zi mo. Ngele ku nomuthima gwomeya kofi yoshiketha sha tya ngaaka, omeya otaga pupyala notaga kala wo ethimbo ga pupyala.

AAKUANKALA OJA HALA EVI LJAUO JENE.

Amuhe mboka mua tseja okukalamuenjo kuaakuankala, otamu kumua ngele tamu uuvu aakuankala je li mondjila joku-putuka naua. Uunene ompito ndjika oje ji mono kekuaco lje pangelo ndjoka lja panga omavu mokati kauo. Oku nomadidiliko ogendji ngoka taga holola ehumokomeho nkenene tali injenge mokati kauo.

Uunene epangelo ngele tali popi okukalamuenjo kuaakuankala, nena aakuankala ohaa pula epangelo li ja pe evi ljauo jene, ndjoka li nomeja ihaaga puine, opo ja uape okukala mo, oshoka oje li po ja vulua okuendagula koombinga noombinga.

Ojo oja hala okukala moshilongo shauo jene, ngashi iiguana jaaluude ji nomavi gajo niimuna jajo nomapja gajo ngoka haga longua kujo.

Epangelo olja holola kutja, eeno, aakuankala otaa vulu oku shi ningilua, ihe itashi ka holoka mbala nuupu. Aakuankala oje li natango pevi mokuputuka, onke pe na uudigu okuninga oshiguana sha putuka naua. Onke tashi pula ecimbo ele kujo, opo ja kale ngashi aantu jalue mu Suidwes.

Aakuankala mboka taa kala nokulonga omapja gauo, otaa vulu uo okuaadika nuupu keuvico ljoohapu da Kalunga, manga oojakuauo itaa landulua nuupu moondjenda dauo.

AAISRAEL NAAJEGIPITI TAA KONDJICACANA.

Aatondacani joshito naale aaisrael naa jegipiti oja kala isheue oomuedi dimue taa kondjicacana kongamba jauo. Nando kape niita jojene, oongundu daakuiita ohadi kondo ongamba notadi ka dipaga aatondi jauo. Molugodi lua tja ngaaka otamu longicua uo omatati ga kola ngashi omambakumbaku giita (tenks). Omapangelo giilongo mbjoka iijaali kage na nando ehalo okupacana ombili manga.

Osho ngeyi omuntu ota vulu nokuli okukelela uatalala moondjugo dhe pethimbo lyokufu. Kohi yoshiketha shuupyu ota pangele ashike ombiga yomama nja nenge yitenda, ya fa ndjoka aasoomi haa longitha "mosauna" dhawo, Nando etango tali yi mo, omamanya ngoka nenge iitendambyoka otayi kala ya pupyala sigo ongula.

Unene evi ndika lyetu olyo oopalela okulongitha oonkonbo dhomutenya, oshoka oomwedhi adhihe dhokufu kape na nando iikogo tayi siikile etango. Oonte dhetango itadi futwa sha; otatu dhi pewa omagano kuKalunga. Oonte dhetango nge tadhi teleke iikulya yetu nena itatu pumbwa we okulongitha omapumba meziko; otatu vulu oku ga fala mepya, ga pe epya oonkondo. Pamwe omasiku tage ya, uuna natse wo nkuka kOwambo tatu longwa okulongitha nawa oonkondo dhetango.

DONDI.

Dandi okua li chamba joshimbudu ja mana. Popepi nouhamba uaje opa tungua Missioni imue kovaamelika. Cmissioni ei ja kula noja fimana unene mu Angola alibe. Omu na ovahongua vahapu va dja leembinga adishe da Angola.

Otamu hongua oonongo uhapu u lili no u lili, uopamuenjo no uopalutu. Omu na jo eeskola di lili no di lili. Oskola jovaongi ovamati jovalongi oukadona, joufita-ongalo jouhakuli n. sh. t.

Meedula edi vahapu vomovahongua ova hala okuhoolola mu Dondi ehumokomesho alike. Nande ongaha, Kalunga okua hoolola mokati koimbudu ava tava file epja laje oshisho.

Otu uete kutja oMissioni ei otai ka ninga ina jeeMissioni adishe eenguaevange-ri domu Angola. Epangelo jo otali pandula unene ovamati ava va hongua mu Dondi.

Pehulilo lehepaululo longerki pa Shimuele, opu na eendjovo tadi popi ombuto josinapi ja kunua mu Angola, tai ka ninga omuti ua kula. Paife meeñele adishe da fimana mu Angola otamu udifua Evangeli: Luanda, Lobito, Huambo, Mocamedes, Lubango, n. sh. t.

„Teelela oinima inene!”

S. N.

AAKRISTE YOMWASIA.

MwAsia omu naantu oomilyona 1,500, ano tu tye etata lyaantu ayehe yomuuyuni. Oomilyona 40 dhomaantu mboka oyo aakriste. Oomilyona 13 adhihe dhcmaakriste mboka oyo aakwaevangeli. Ano shika ctashi ti: mwAsia maantu ethele limue omu nomukwaevangeli gumwe awike.

Kontuntu ya Formosa, kuuzilo wa Asia, etumo lyaaluteri olya humu komeho moomvula ndhika dha hugunine. Okwa shashwa aantu omayovi ogendji.

UUVU WEPAPATA.

Uuvu wepapata wa holoka pomaha gamwe kwAngola nosho wo kOkavango. Katu shi wo natango omwaalu gwaavu, tse inatu kundana wo oosa. Ihe otu shi shi, uuvu wepapata owo uudhigu shili nowa gwana okutilika.

Epangelo lyetu olye endebele okupopila iilongo yOwambo, manga uuvu mboka inaa mona ompito okuya mo. Aawambo ayehe oya kongelwa omuti gwokuwenda. Oondohtora yokuWindhoek oye ya ya kwathe mboka ye li mOwambo.

Osho ngeyi aawambo oyendji oya wendwa nokuli. Oondohtora yepangelo oye ende kUukwanjama sigo kuuziloelala, kombanda yOmboloka. KUukwambi kua wendwa aantu 18,000, kuuzilo wOndonga nenge kOshitambi 15,000. Koombinga noombinga iipangelo yetumo lyetu ya kwatha moshilonga shika oshinene shekwatho.

Omboka inaa mona natango ompito okuwendwa naa ye koshipangelo shoka shi li popepi nayo, ya ka tale, ngele kwa thi-gilwa natango omuti gwokuwenda.

Omuntu kehe gwomOwambo e nokuwendwa, opo uuvu wepapata waa mone nando ompito okuyona aantu mokati ketu. Okuwendwa kaku na nando oshiponga Okwaawendua oku noshiponga oshinene.



mOhalushu:

Kornelius Hepangalume a si 2. 10. 55.
 Elifas Hamukonda a si 9. 10. 55.
 Titus Ipinge a si 30. 10. 55.
 Samuel Filippus a si 24. 11. 55.
 Albertina Jonatan a si 12. 11. 55.
 Simon Abraham a si 2. 11. 55.
 Ananias Mukona a si 8. 11. 55.
 Pau'us Kalunga a si 9. 12. 55.
 Maria Shapuanale a si 18. 12. 55.
 Vaino Ndeshiningilua Vernel a si 26. 12. 55.
 Festus Filemon a si 28. 12. 55.
 Ananias Shiuveda a si 31. 12. 55.
 Josef Naivela a si 15. 1. 56.
 Mirjam Ndilokoshelua a si 25. 1. 56.
 Beata Fulvinias a si 11. 2. 56.

OTANDI VULU OKUTSEJA?

Otandi vulu tuu okutseja kutja ongame onda hupicua? Ndika epulo hali kala aluhe moomuenjo mboka taa kongo ehupico ljomuenjo.

Ngashingeji ando tu taleni, no tu konakone nkene oohapu da Kalunga tadi ti.

Otatu vulu ngiini okulimbililua nge tatu pulakene oohapu da ngoka kua li a lala pontulo ja Jesus? Oje ota njola: „Otse otu shi shi otua zi mo meso no tua ji momuenjo.“ 1Joh. 3: 14. Oje ote tu longo, kutja oje okua li a sa moondjo nomomajonagulo. Otse atuhe otua sa omolu oondjo, onke otse aana jondjahi. Johannes okua zi mo meso nokua ji momuenjo. Shika osha kehe ngoka i itaala Jesus nokue mu taamba a ningi omuhupici gue. „Oshili, oshili tandi mu lombuele: Ongoka tu uuvu oohapu dandje no ti itaale nguka a tumu ndje, oje e nomuenjo gaaaluhe, je ita ka pangulua, ihe okua za mo MESO nokua ji MUMUENJO. Joh. 5:24.

Ombimbeli otaji tu longo kutja, otatu vulu okuza mo meso ljokomuenjo, no tu je momuenjo. Kehe ngoka a mono esilohenda ndika ote shi tseja, oshoka oje oku na omuenjo gaaaluhe. Ondjambi juulunde ojo eso, ihe omaganohenda ga Kalunga ogo OMUENJO GUAALUHE mu JESUS KRISTUS. Rom. 6:23.

Oolje mboka je shi shi oja hupicua? Ojo tuu mboka ja li ja mono ekano ljauo, no ja taamba omagano gomuenjo gaaaluhe meitaalo. Oue ga taamba uo tuu meitaalo?

Paulus okui injanjudile mokutseja

ukuka sho ta ti: „Otse otu shi shi etsali ndika ljomevi ngele tali kumunua po, otu na onganda ku Kalunga, egumbo inaali tungua kiikaha.“ 2Kor. 5:1.

Omuleshi omuholike, ngoje oua pitikua uo u injanjudile mu shoka ua tegelela, oshoka ou shi shi ongoje ua hupicua.

Petrus okua njolele aahupicua ja hupicua manga je li muujuni kombanda jevi no ja li mehalakano. Oje okua ti: „Kalunga Ohe jOmuaa guetu Jesus Kristus na simanekue, ongoka, pasilohenda lje enene, okue tu valululile etegameno li nomuenjo- - -.“ 1Petr. 1:3.

Omuaa Jesus okua lombuele Nikodemus ta ti: „Oshili, oshili tandi ku lombuele: omuntu ngele ita valululua, ita uapa okumona oshilongo sha Kalunga.“ Omuaa Jesus ta vulu tuu okutegelela nokupula shoka je muenjo ita vulu oku shi longo mutse? Oje iha lunduluka. Heb. 13:8. Oje ota valulula kehe ngoka te mu igandjele Joh. 3:36.

Oondjo tadi eta etopoko pokati komuntu na Kalunga Adam. na Eva sho ja jono, eendacano ljauo na Kalunga olja teka po, onke oja holama. Okeso lja Jesus ljomomushigakano ekuma ndjoka ljopokati olja kucua po. Otse mbaka tua li kokule na Kalunga otue ja popepi okombinzi ja Kristus. Ef. 2:13-14.

Okomukanka guoohapu da Kalunga otse atuhe otu na okutseja otse aahupicua.

Omuntu kehe te ja noluhodi lua shili ku Kalunga no ti indile edimo ljoondjo omolu omushigakano gua Kristus, no ta taamba Kristus Omuhupicigue, nokuitaala iilonga jekulilo oja pua, oje omunelago no ta kala e shi shi okua hupicua. Okutseja nkuka otaku zi peni? Rom. 8:16,17 da ningi oshili: **OMBEPO OJE MUENE TA HOKOLOLA NOMBEPO JETU, OTSE AANA JA KALUNGA.**



IIPONGA YOMULILO

Ongulohi yesiku etitatu lya Februarie oombaadhi mbali odhe etele Onandjokwe nOniipa oshiponga. Olwaadi lumwe olwa hwameke ondunda yokupungula kOnandjokwe, manga olukwawo lwa hwameke ongulu ya "Iitti" kOniipa. Oongulu adhihe mbali odha fikwa po.

Ongulu ya "Iitti" oya li ya tungwa omumvo 1934 niimaliwa ya zile kegongalo lya Iitti koSoomi.

IILONGA IJALI.

Ope na oshilongo moka ojendji je li mo je nuupu noondjila dasho ode ja mbua-langandjela, osho evi, uujuni.

Ope na shoka tashi lalakanenua sha nika uudigu osho egulu. Uudigu uasho okacimbo. Komeho enjanju.

Kondja u ade moshilongo shijaka.

Mateus Shihepo.

Oranjemund.

P. Tuadile, Bx 24, Windhoek ote tu kumagida tu kongele oonakusa jetu omishigakano da njolua naua koombila dauo.

Nima ja Nima

a valua. 8.2.11.

a sa. 1.12.53.

Ano ngele tu nomuenjo guomu Kristus, tu kaleni uo hatu ende mOmpepo je. Max Thomas, Bus 1046, Windhoek.

T. Kaupangelua ota ti:- Otse aauambo sho tu uvicilua oohapu da Kalunga, otu nongunga oku di fala kaapagani.

Mateus Shikongo ota ti natu lineekele-ni shili omuenjo uaalushe tue u udaneke-lua nale. Efs.1:4.

Omuna ngele ta shikula Jesus, oku na tete okuitavela kutja Jesus oje shili Omona ua Kalunga, osho P.Shidute, Bethanië ta ti.

Andreas Lasarus okua hitua kejoka mohema sigo ombulukueja je ihe inali mu lja. Omukulukadi gue okua aluka kuuvu. Andreas ano ota hambelele Kalunga.

P. Hamukuaja Engela ota ti:- Ngele ho diladila uuinaji, ou na natango etindi ljuulunde.

H. Leendongula okua mono ojendji ja si ombadiilila. Ote tu kumagida tu ilongekide.

Ope na isheue omumentu gumue ta ti kiituci joondjokana daajonacanipo inaku jiua ue kaagundjuka.

Omupolifi H. Hakalume ota ti: -Ovakriste vakueta, oluhapu ndi nokukuata ovakriste vahapu taa njono oveta. Ohatu dulu hano ngahelipi okudulika kOmueni uetu ngeenge ihatu dulika koveta jovangeli tue va peua ku Kalunga?-

OMANONGELO GA TAMEKE IILONGA JAGO NAANONA TAA NJANJUKUA.